

讀史方輿紀要卷六十一

陝西十

榆林鎮

東至山西偏頭關百六十里西至寧夏後衛七百里南至延安府綏德州三百里北至黃

河

一百二十里自鎮治至布政司二千五百里至京師二千五百里

春秋時白翟地戰國屬趙秦始皇時爲上郡地漢屬

西河郡後漢因之建安中荒棄

魏志漢建安二十二年省雲中定襄五原朔方

郡晉爲并州徼外地其後屬於苻秦尋爲赫連夏所

據後魏仍爲上郡地後周置開光郡隋廢郡以地屬

綏州大業中屬雕陰郡唐屬銀州開元中屬銀川郡

宋沒於西夏元屬綏德州明初因之正統間河套多
故景泰中乃設戍守於榆林舊堡成化九年陝撫余
子俊改築舊城置榆林衛統千戶所五俱在衛城內宏治九年又展築焉尋
爲重鎮今爲榆林鎮亦設榆林衛

鎮截河套之衝固延綏之守自鎮以北皆戰國時雲
中九原地也史記趙武靈王二十六年復攻中山攘
北地至燕代西至雲中九原二十七年西北畧邊地
欲從雲中九原直南襲秦其後趙益衰匈奴強遂入
居河南秦始皇三十三年使蒙恬斥逐匈奴收河南
地爲四十四縣築長城因地形用制險塞起臨洮至

遼東延袤萬餘里又渡河據陰山逶迤而北謂其地

爲新秦

薛瓚曰秦逐匈奴收河南地徙民以實之謂之新秦漢亦曰新秦中元狩二年徙貧民於

關以西及充朔方以南新秦中是也又元鼎五年北出蕭關從數萬騎獵新秦中

楚漢之際

匈奴復熾乘間南渡河冀復收蒙恬所奪地大爲邊

患漢武元朔二年斥逐匈奴遣衛青等度西河歷高

闕收河南地

是時遣衛青李息等出雲中以西至隴西擊走匈奴樓煩白羊王遂取河南地

王父偃言河南地肥饒外阻河蒙恬城之以逐匈奴

內省轉輸戍漕廣中國備邊之本也乃築朔方城立

朔方郡繕故秦蒙恬所爲塞因河爲固自朔方築而

匈奴始衰其後遂入朝於漢及後漢順帝永建初隴

西羌亂西河上郡朔方皆殘破四年虞詡上疏謂三郡沃野千里水草豐美土宜產牧宜復營城邑事耕屯從之自魏晉以降中原多故其地遂淪於異域及劉衛辰據之亦雄長河西赫連勃勃復起於此兼有關隴後魏之季宇文泰亦以夏州發跡遂并關中矣唐貞觀以後聲教訖於漠外而邊備未密河西朔方時有闌入之慮景龍二年張仁愿擊突厥奪取漠南地於河北築三受降城首尾相應以絕其南寇之路大歷二年郭子儀言朔方國之北門西禦羌戎北虞玁狁五城相去

五城謂靈武定遠及三受降城也

凡三千里蓋自秦

至唐禦戎上策恒在大河以北也唐末拓跋恭據有

夏州延及宋世強狡益甚陝西六路皆為困弊歷所

三百餘年始為蒙古所并豈非關中上游恒在朔方

之險歟明初李文忠定大同西畧豐州遂即勝州城

東勝以統套內之地九邊攷東勝州統套內獨樂木

陽朔方欲渾梁搜臨戎十二縣按諸縣俱漢舊名屬

上郡朔方西河三郡後代久廢豈明初嘗以置城堡

歟又周陽或是時自東勝迤西路通寧夏皆有墩臺

牆塹永樂初見亡元遠遁始移治延綏棄河不守正

統中稍稍多事乃築榆林等城堡二十有三於其北

三十里沙漠平地築瞭望墩臺往南三十里硬土山

溝則埋軍民種田界石列營積糧以絕寇路成化七年撫臣余子俊言延慶邊山崖高峻乞役丁夫依界石一帶山勢曲折剗削令壁立如城高可二丈五尺山坳川口連築高垣或掘深塹相度地形建立墩墩漆兵防守此不戰而屈人兵之計九年修築始就

五邊

考正統中有寧夏副總兵黃鑑奏於偏頭關東勝州黃河西岸地名一賴樹起至榆溝沙迷都六鎮沙河海子山火石腦兒謙石海子同回臺紅鷺池百眼井甜水井黃沙溝至寧夏黑山背馬營等處共立十三城堡七十三墩臺東西七百餘里實與偏頭寧夏相按惟隔一崑河議者以地平漫難據已之繼而延緩鎮守都督僉事王禎始奏築榆林城剗沿邊一帶營堡墩臺累增至二十四所列營積糧以為固景泰中邊臣徐亨奏禎擅棄原守寨堡移入腹裏恐遠寇占據所棄寨堡以為巢穴於是勅禎候春暖河開仍往

原寨守備事不果行蓋榆林邊堡實白王慎始之也
又景泰中總兵石亨議將延綏一路營堡移從直道
以府谷堡移後柴溝故城等處孤山東村二堡移野蘆
川神木堡移後楊家城相林高家二堡移石落澗雙山
堡移山溪灘榆林城移樺林白潤灘響水波羅二堡
移白土窪土門堡移白臘峯大兔鶻堡移溫梁關龍
州城移北城塞門堡移古窯清邊營移剌河寧塞營
後寨罕腰兒等處直與安邊定邊相對時亦以徙置
煩勞不果成化二年兵部郎中楊琚條列邊事謂如
黃鑑之議既省成兵且易偵望而寧夏東路也偏頭
關河邊營堡俱在內地與列堡數十而棄膏腴於境
外者孰優石亨移堡之說猶未如鑑之包括盡善也
議亦不行是年邊臣王復言延綏境府谷等一千九
堡俱極邊要地必須增置那移處為易守宜將府谷
堡移出芭州舊城東村堡移出高漢嶺響水堡移出
黑河山土門堡移出十墳坪大兔鶻堡移出響鈴塔
白洛城堡移出磚營兒塞門堡移出榆柳莊不唯東
西直捷亦水草便利內高家堡至雙山堡雙山堡至
榆林城寧塞營至安邊營安邊營至定邊營相去隔
遠合於交界處地名崖寺子三眼泉柳樹澗瓦棧梁

各添哨堡以相聯絡從之七年余子俊復徙平彝靖
平鎮靖三堡於舊城以平彝水脈傾涸清平鎮靖又
去木太遠因復徙舊城而新堡亦撥兵東起清水營
戊守九年以後營堡始鮮議徙者矣
紫城巖西訖寧夏衛花馬池邊界剝修安邊營及置
建安常樂把都河永濟安邊新興石澇池三水馬跑
泉八堡邊牆東西長一千七百七十餘里而榆林漸
爲完固宏治中撫臣文貴以屯田多在邊外於是修
築大邊防護屯田而以子俊所築者爲二邊正德初
制臣楊一清言河套之地饒水草宜五穀本吾內地
初非寇巢其地有受降城據大河三面之險當千里
之蔽國初舍受降而衛東勝已失二面之險又輟東

勝以就延綏則以一面之地遮千餘里之衝遂使套中六七千里之沃壤爲寇阨脫外險盡失寧夏屯卒反備南河此陝西邊患所以相尋而不可解也宜因時設策一舉而廓清之復收東勝因河爲固東接大同西接寧夏耕屯牧放亘千百里以壯軍實以息內運庶陝西可息肩耳時刻瑾專政議遂寢嘉靖十年督臣王瓊復議修榆林邊謂大邊中間率多平地築牆高厚不過一丈可壞而入當先修之務使崖壘深險牆垣高厚然功卒不成二十五年督臣曾銑又言邊牆歲久傾頽不異平地宜分地定工次第修舉西

自定邊東至龍川堡計長四百四十餘里爲西段自
龍川堡而東至雙山堡計長四百九十餘里爲中段
自雙山堡而東至黃甫川計長五百九十餘里爲東
段今鎮分三道以西段爲靖邊道中段爲榆林道東段爲神木道歲修一段期以三
年竣事又言河套爲我必守之地自寇據套爲穴深
山大川勢反在彼彼得出沒自由東西侵掠守禦煩
勞三秦坐困故套患不除中國之禍未可量也臣嘗
審度機宜較量彼我當秋高馬肥弓矢勁利料合隴
類長驅深入彼聚而攻我分而守此彼利而我誦之
時也及冬深水枯分帳散牧馬無宿藁呂漸羸瘠比

及春深賊勢益弱我則淬勵戈矛多備火器練兵秣馬乘便而出此我利而彼詘之時也今禦邊者不乘彼之詘而用吾之利常使得因其利而制吾之所詘是以有敗無勝爲今之計宜益練士卒多備矢石每於春夏之交攜五十日之餉水陸竝進乘其無備直擣巢穴材官騶發礮火雷激則寇不能支矣歲歲爲之每出益厲寇勢必折將遁而出套恐後矣俟其遠去然後因祖宗之故疆竝河爲塞修築墩臺建置衛所處分戍卒講求屯政以省全陝之轉輸壯中國之形勢此中興大烈也夫臣方議築邊又議復套者蓋

築邊不過數十年計耳復套則驅斥凶殘臨河作障
乃國家萬年之計也未幾銑爲嚴嵩仇鸞所搆論死
自是無議及河套者隆慶中套寇吉能以俺答內附
亦願款塞朝廷因而羈縻之云九邊考明初設東勝
衛於套北又設延綏鎮於套南藉如帶之河相爲犄
角與雲川玉林衛所聲勢聯絡以故關陝晉雲之間
宴無邊警套地長幾二千里橫數百里山川環列原
田沃饒黃河自寧夏橫城繞入北地至山西老牛灣
入中國其中地與關中郊折相接若畫地而守之每
年防禦唯在冬春四閱月較易爲力今棄爲異域使

寇雄長其中南犯榆林則關陝戒嚴東犯偏關則晉
雲驚擾唐築受降城能遏敵於河外今守榆林乃養
敵於套中誠不知計所出也又套以內地廣田腴亦
有鹽池海子初時敵少過河軍士多耕牧套內益以
樵採圖獵之利故諸堡皆稱豐庶自套內充斥諸利
盡失鎮城四望黃沙不產五穀不通貨賄一切資糧
皆仰給腹裏又以邊邑凋敝多災傷西安延慶三府
悉改本色爲折色於是軍用益窘鎮城將士恒有枵
腹之憂說者謂榆林地險而防嚴將士敢勇戰不貫
胃敵每憚之呼爲駱駝城人馬然迫於寇門糧道險

遠彼若以重兵壓境更以奇兵駐魚河之地卽糧道阻絕不三月而鎮城坐困矣今黃河自陝城而上至綏德近境春初皆可舟行若計浚河郡縣改徵本色水陸接運而上榆林可以少蘇又添設倉場於延寧甘固適中之地以戶部官主之每鎮給與鹽銀十餘萬令其糴買儲蓄一旦客兵應援緩急不至無備疆場無事儲蓄可以益廣又或謂葭州至府谷道流舟楫可通宜建倉庾於瀕河徵本色於近縣造舟轉運以濟清水木瓜孤山等處旣以河流險峻不果行要皆非勝算矣夫周命南仲城朔方而殲沅于襄後世

舉關河要地拱手昇敵使橫據其中長驅突犯形勢
日蹙邊害日劇獨何歟萬歷中寧夏遊擊金城者建
造四艘蓄健兵器械於其中乘黃河泛漲時自橫城
順流而東月餘至老牛灣始還頗有斬獲兩岸敵騎
聚觀矢石莫敢近內外共奇其功夫復套搜套籌畧
之士有言之者此亦出奇之一策歟

榆林城

今鎮城故榆林庄寨也屬綏德州亦曰榆林堡成化中始置衛於此因舊城政築宏治九年

增拓舊城建爲雄鎮正德十二年幸榆林明年始還城周十四里有奇西四門東二門南一門凡

七

夏州城

在鎮西北二百里東南至綏德州四百里周之朔方秦爲上郡地後沒於匈奴漢元朔二

年逐匈奴始置朔方郡後漢末廢晉亂石勒并朔
 方兼置朔州義熙九年赫連勃勃於朔方水北黑
 水之南築城曰統萬遂都焉宋元嘉初勃勃名其
 四門東曰招魏南曰朝宋西曰明涼北曰平朔後
 魏主熹始光三年襲統萬太和十一年政置夏州及化
 萬克之因置統萬鎮太和十一年政置夏州及化
 政郡魏史初勃勃築統萬城高十仞基厚三十步
 廣十步宮牆高五仞其堅可以礪刀斧太武克之
 每言屈可蒸土築城而朕滅之守國豈在城也永
 熙中宇文泰爲夏州刺史因并賀拔岳之衆大統
 二年東魏高歡襲取夏州開兵鎮守既而西魏復
 取之改郡曰宏化隋廢郡復曰夏州開皇六年遣
 崔仲方於朔方以東緣邊險要築數十城是也大
 業三年改爲朔方郡十三年梁師都據朔方尋稱
 帝唐武德五年延州總管段德操攻之克其東城
 師都保西城會突厥救至德操乃還貞觀二年柴
 紹引軍攻取之復置夏州天寶初亦曰朔方郡乾
 元初復故貞元三年嘗置夏州節度廣明初賜號
 定難軍以授拓跋思恭遂世據其地宋淳化四年
 李繼捧鎮定難軍以夏州合於繼遷遣李繼隆入